

Нақам анамилъу ытақук. Таўгенақ ныкнелъыпигук. Ынкам амалъи нуналгутңита пиникақат.

Упынгама, гук. Тамана сикү энмет ихтухкума. Алъакагмың, гук, қаяхқуакут такут мугусильтыңит элит. Тана, гук, амта нукальпек амта қаяхқуақмиўк. Қонпың, гук, қаяхқуаққан анин малихтақа кем сиыңанун. Ынкам ысхагнегутаққан таўгенақ тагақук. Киңококу таным малихта-ам, ысхагнегутқан та. Атаўх, гук, имна агихтыхпынани мулупихтук.

Там, гук, анин ысхапалихтақа тагна сикүм туңыңа. Таўхкын таўка игвақыситахтук қаяқ. Қылыги игныға. Аңогақук сукеты-пихлъуни. Ани умыюгарахтук, сими кек уна таўгалъихта, накальу аңкигнахта?

Тутнами, гук, анин ысхаға, ақуна ик сикмимаўк. Итык тынпутук-ам нукувынгитук. Анин тана қаяқ амувьёғлуку, тана игныни ақумгавеның амо наньякыпихлъуку. Ысхагьякик, гук, кулик лъыган агук. Қылыги там сегъергыңунақым ныхсақ тукутыхпынан икилигенаглуку, тунуминун ыкума. Тана, гук, ныхсасурагақ қылыги қаримапихсимаўк. Амалъи ылагнигумамиўк тыгінгагми.

Там ныхсам-ам тасамакын кулик пакингупихсимақ, ынкам-ам аымсухенам қылыги тана нукальпек аўгминун малигусимаук. Ынкам, гук, ани там нукальпем илуни самсухенам, тукутыхпынан амигума тана ныхсақ, икума тымка-ам уқулгулуку. Таўгенақ нықдинаўхтыңан лъыган уңуваңған иманун сиңта. Танапасук, гук, лъыган ақуна тымкелъуни, нықдиналуни тага кытмохтук.

Сақаюхлъықа матыкогаку улуфкапихта. Рыпаль, гук, тана тапхақ тайикавык ылығы Имақльинун, китук.

Ынкам қамванхавьек таўхкын ысхақьягет аглут алетыфқаралгит. Ынкам тана амалъи ытыкитагапихтақук-ам, кеңухтақнаку тана ытыкитагақ савипихтақук.

Таўатын тана апыгақат. Амалъи аңукагат ниқумат кулигамсук, натын илирык такук алъакагусимақ.

Кулигамсук тана апхума ысималуни Ықалум.